

Embargo: Hanya boleh diterbitkan atau disebarikan mulai jam 1200, Rabu, 4 Jun 2025



KENYATAAN MEDIA

KEMENTERIAN EKONOMI
JABATAN PERANGKAAAN MALAYSIA

Blok C6 & C7, Kompleks C,
Pusat Pentadbiran Kerajaan Persekutuan, Presint 1,
62514, Wilayah Persekutuan Putrajaya
No. Telefon : 03 - 8090 4681

STATISTIK PERLOMBONGAN PETROLEUM DAN GAS ASLI SUKU PERTAMA 2025

Pengeluaran Minyak mentah dan kondensat berjumlah 45.5 juta tong pada suku pertama tahun 2025

PUTRAJAYA, 4 JUN 2025 – Pengeluaran Minyak mentah dan kondensat mencatatkan jumlah yang stabil sebanyak 45.5 juta tong, menunjukkan daya tahan sektor hulu dalam menghadapi ketidakpastian pasaran pada suku pertama ini. Jabatan Perangkaan Malaysia (DOSM) melaporkan hari ini mengenai keluaran **Statistik Perlombongan Petroleum dan Gas Asli, Suku Pertama 2025**.

Mengulas laporan tersebut, Dato' Sri Dr. Mohd Uzir Mahidin, Ketua Perangkawan Malaysia, berkata, "Pengeluaran Minyak mentah dan kondensat merekodkan 45.5 juta tong pada suku pertama 2025, meningkat marginal negatif 5.2 peratus tahun ke tahun (ST4 2024: -7.3%; 45.7 juta tong). Ini disokong oleh peningkatan dalam pengeluaran Minyak mentah yang menunjukkan pemulihan dengan kadar penyusutan yang lebih kecil iaitu negatif 6.5 peratus berbanding negatif 9.3 peratus pada suku sebelumnya. Sementara itu, pengeluaran Kondensat turut mencatatkan pertumbuhan namun masih lagi berada dalam jajaran negatif 2.4 peratus berbanding negatif 2.5 peratus yang direkodkan pada suku terdahulu. Walau bagaimanapun, pengeluaran Gas asli menyusut 2.2 peratus tahun ke tahun berbanding 3.1 peratus pada suku sebelumnya dengan jumlah pengeluaran sebanyak 781.9 bilion kaki padu berbanding 792.8 bilion kaki padu pada suku keempat tahun 2024."

Harga Purata “*Lifting*” Berpemberat (WALP) bagi Minyak mentah dan kondensat di Malaysia meningkat USD76.4 per tong pada suku pertama 2025 berbanding USD76.3 per tong pada suku lepas. Kenaikan harga ini selari dengan harga WTI dan Brent dengan masing-masing mencatatkan USD71.8 per tong (ST4 2024: USD70.7 per tong) dan USD75.8 per tong (ST4 2024: USD74.6 per tong).

Menjelaskan mengenai prestasi perdagangan luar negara, Dato’ Sri Dr. Mohd Uzir Mahidin berkata, “Nilai eksport Petroleum mentah dan kondensat meningkat kepada RM6.2 bilion berbanding RM6.0 bilion pada suku sebelumnya. Thailand mendahului eksport Petroleum mentah dan kondensat dengan RM1.9 bilion atau 30.9 peratus daripada jumlah eksport, diikuti oleh Australia (26.1%) dan Jepun (11.4%). Sementara itu, nilai eksport Keluaran petroleum bertapis menurun kepada RM24.3 bilion berbanding RM26.5 bilion pada suku sebelumnya. Singapura kekal penerima utama eksport Keluaran petroleum bertapis berjumlah RM6.9 bilion atau 28.3 peratus, diikuti oleh Indonesia (21.4%) dan Australia (15.5%). Nilai eksport LNG turut mencatatkan pengurangan kepada RM15.5 bilion pada suku ini berbanding RM16.7 bilion pada suku keempat 2024 dengan 46.0 peratus dieksport ke Jepun, diikuti oleh Republik Korea (24.3%) dan China (20.1%).”

Ketua Perangkawan menambah, “Nilai import Petroleum mentah dan kondensat menurun kepada RM13.6 bilion bagi suku pertama 2025 berbanding RM15.1 bilion yang direkodkan pada suku keempat 2024. Arab Saudi kekal dominan sebagai negara asal utama bagi import Petroleum mentah dan kondensat, dengan jumlah 52.7 peratus, diikuti oleh Emiriah Arab Bersatu (15.2%) dan Sudan (6.0%). Nilai import Keluaran petroleum bertapis berjumlah RM23.2 bilion berkurang daripada RM25.4 bilion yang dicatatkan pada suku tahun sebelumnya dengan Singapura kekal penyumbang terbesar (42.5%), diikuti oleh Republik Korea (11.9%) dan India (8.1%). Import LNG turut merekodkan penurunan kepada RM1.9 bilion (ST4 2024: RM2.2 bilion) dengan keseluruhan import diperoleh sepenuhnya dari Australia.”

Kepengerusian ASEAN-Malaysia 2025: Jabatan Perangkaan Malaysia (DOSM) akan mempengerusikan Jawatankuasa Sistem Statistik Komuniti ASEAN Ke-15 (ACSS15) yang bertujuan untuk memperkukuh kerjasama statistik ke arah pembangunan serantau yang mampan.


Malaysia buat julung kalinya telah menduduki tangga pertama (1) di peringkat global dalam laporan dwi-tahunan *Open Data Inventory* (ODIN) 2024/25 yang dikeluarkan oleh *Open Data Watch* (ODW), mengatasi 198 negara lain. Pencapaian ini merupakan lonjakan ketara daripada kedudukan ke-67 dalam penilaian ODIN 2022/23.

Kerajaan Malaysia telah mengisytiharkan 20 Oktober sebagai Hari Statistik Negara (MyStats Day), dengan tema 'Statistik Nadi Kehidupan.' Sementara itu, Hari Statistik Dunia


Keempat akan disambut pada 20 Oktober 2025 dengan tema '*Driving Change with Quality Statistics and Data for Everyone*'.

OpenDOSM NextGen adalah medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.


Carta 1: Prestasi Pengeluaran Minyak Mentah dan Kondensat, ST1 2023 - ST1 2025




Carta 2: Prestasi Pengeluaran Gas Asli, ST1 2023 - ST1 2025




Carta 3: Harga Minyak Mentah dan Kondensat, ST1 2023 - ST1 2025



Carta 4: Eksport Pertroleum Mentah & Kondensat, Keluaran Petroleum Bertapis dan Gas Asli Cecair (LNG), ST1 2023 - ST1 2025



Carta 5: Import Petroleum Mentah & Kondensat, Keluaran Petroleum Bertapis dan Gas Asli Cecair (LNG), ST1 2023 - ST1 2025



Dikeluarkan oleh:

PEJABAT KETUA PERANGKAWAN MALAYSIA

JABATAN PERANGKAAN MALAYSIA

4 JUN 2025